



14524

III

Mos. St. Del

P

Alexander.


Konarski Stan

Polonae Provinciae Scholar. Stan. Sacrae
purpurae gratulatio.

PANEG. et VITAE

Polon. Fol.

Nº 571.



SACRÆ PURPURÆ

GRATULATIO,
EMINENTISSIMO
CELSISSIMO & REVERENDISSIMO
PRINCIPI,

JOANNI
S. R. E. CARDINALI

a Lipe

LIPSKI,

EPISCOPO Cracoviensi,

DUCI Severiæ.

Nomine Polonæ Scholarum Piarum
PROVINCIAE.

ANNO 1738. III. Non. Oct.

Pridie Comitiorum Regni.




VARSAVIÆ.

Typis S. R. M. & Reipublicæ Scholarum Piarum.



In Gentilitia RASTRA
EMINENTISSIMI CARDINALIS.



Collegère, quibus florebat Patria, Fasces,
Quasq; tulit Patrij Campus Honoris, Opes,
Purpureas jam RASTRA legunt & suavè rubentes,
E Vaticanis Collibus, ista, rosas.

BIBLIOTH. UNIV.



VAGELLONICAE

stat
cus
clar
tur
lau
soli
lab
ad
ita
Qu
pro
Qu
cip
um
h
del
con
cur

ORATIO.



Non sine singulari certoq; consilio factum esse videtur, EMINENTISSIME PRINCEPS, quod ornamentum istud, sacro Capiti Tuo, in tanta amplissimorum Ordinū frequentia, REX Noster imposuerit; judicasse enim sapientissimū PRINCIPEM constat, Honorem, quo ornatus es, ad universæ Reipublicæ decus & dignitatem pertinere. Nam ut virtute unius præclari Civis, ita & unius Honore cæteri omnes condecorantur & inclarescunt Cives. Unius siquidem præstantis Viri laude illustrari cunctos; neminem soli sibi natum, neminem soli sibi vivere, in commune Patriæ decus omnes bonos laborare, in Rempublicam quod unusquisq; fecit redundare, ad illam omnem vitæ nostræ fructum referri oportere, id ita semper præclare existimarunt sanxeruntq; sapientes. Quamobrem Patria jure suo, suam totam esse vult, sibiq; propriam, uniuscujusq; & gloriam, & merita & præmia. Quare palam est, sapientissimè id ita nostrum statuisse Principem, quod nimirum id, quod omnium interesset, in omnium oculis peragere instituerit, exornandoq; Tibi, & locum hunc longe frequentissimum, & istud Comitiorum tempus delegerit, quo nullum honorificentius esset, & Principi qui confert, & Tibi qui recipis, & Reipublicæ quæ partiri tecum tam illustre excellensq; videtur munus.

Adeoq; si summo Christianæ Reipublicæ Capiti, cuius in partem maximarum curarum assumptus es, si universæ Ecclesiæ, cuius inter Principes adlectus es, si amplissimo illi Patrum Purpuratorum Collegio, cuius majestatem & incredibilem apud homines opinionem auges eâ quâ præditus es sapientiâ & dignitate, si Regi nostro, cuius perhonorifico de te iudicio & Suffragio hanc es adeptus Purpuram, magnæ causas attulisti lætitiæ; non minorem profecto de Tuo magnopere lætandi honore, eundemq; Tibi publicè gratulandi præbuidisti causam, & Universæ Reipublicæ Nostræ, cuius præstantissimus Civis, & Sacro Polonorum Antistitum cætui, cuius Collega, & amplissimo Patrum Conscriptorum Senatui, quorum unus clarissimus Senator & Minister Regni, & Nobilissimo Equestri Ordini, cuius illustris Pars adeo, inter Primos Christiani Imperij Sacros Proceres es eVectus; quod ut amplum Tibi ipsi, ita & jucundū ac perquam gloriosum est Patriæ. Nam ut ab hac quæ uti nos maiorem in modum oblectat, ita Tibi gratam fore putamus non discedamus sententia, eidem deinceps quoq; gratulationis nostræ argumento libenter inhærebimus. Quid enim præclarius de Te hodie cogitari diciq; à nobis potest, quam quod Tua hæc Purpura nedum eximijs Tuis in Patria & Ecclesia meritis, rebus gestis, virtuti & sapientiæ Tuæ copiosiore splendorem lumenq; affundat, verum etiam Reipublicæ non mediocrem lucem afferat.

Quantum profecto Romani huius fulgore muricis EMINENTISSIME PRINCEPS & illustreris ipse, & Tuam illustres Patriam, facile animadvertent omnes, qui & quanta sit Purpurati huius Ecclesiæ Senatus Dignitas, & quæ sit cuiuslibet honoris vis & natura intelligunt. Ea enim vis, ea indoles honoris est, cuiuscunq; ut merita & virtutes cum longe notiores cunctis clariioresq; tum etiam spectatissimas reddat. Ignota sit oportet & delitescat vel maxima plerumq; virtus, nisi illam magistratus & probaverit, & famæ multorumq; proposuerit oculis. Contingit illi quod gemmis atq; adamantibus, quæ quamvis pretio quod iisdem inest nequaquam careant, æstimatione certè tamdiu carent, quamdiu profundo maris aut obscuro telluris continentur sinu. Honor itaq; est, qui ex obscuro in aprium producit virtutem, qui quantum valeat detegit, estq; fax quædam & lumen virtutis. Quoq; ille sublimior & clarior, eò latius huius

hujus splendorem diffundit, eò hanc illustriorem efficit. Iam si Sacrum hoc, quo Ecclesiæ Principes cæteris eminent honoris culmen, fere summum est, necesse profecto est, ut vel maximè virtutem magnificam omnibusq; spectatam reddat. Dignitas hæc certe, quæ hodie in universo Ecclesiæ Sacro Principatu, à summi Pontificatus fastigio secundum tenet locum, quemadmodum non unius Provinciæ, Regni aut Nationis Limitibus definita est, sed ad universam Christianam Rempublicam pertinet, ita illum quem exornet, non uni Provinciæ, Regno, aut Nationi, sed latè Christiano, Orbi conspiciendum exponit. Quamobrem quid jam verius est, quam quod hæc EMINENTISSIMA Sacri Senatus, quam ascendisti curulis, Te & universæ Ecclesiæ spectandū exposuerit, & omnem Tuam antea actam cum laude vitam, omnia merita, virtutes omnes, ita illustrarit, ut quæ Sarmatiæ nostræ nota fuerunt, hodie jam remotis quoq; Christianæ Reipublicæ partibus innotescere Tua incipiant decora.

An enim ad quemcunq; demum hominum (quocunq; loco sit ille, modo quid sit hæc Purpura norit) ea fama pervenerit, creatum Te esse Romanæ Ecclesiæ Cardinalem, an inquam eâ re auditâ non mox quivis eam de Te magnificam concepisse opinionem debuit, esse Te oportere unum è Dignissimis summisq; in Ecclesia Viris, qui tantum sis adeptus honoris gradum, oportere Te Religione, te pietate, Te sapientia, Te rectefactis & meritis, Te cæteris eximijs naturæ & ingenij ornamentis, loco huic pernecessarijs præstare & excellere. Hoc illustre de Te iudicium mox cuncti statuunt, talem te sibi mente concipiant, talē describant, hanc Tui imaginem animo obijciant necesse est. Adeoq; dilucidè iam satis vel inde liqueret quantum Tibi præcipuæ in Ecclesia DEI existimationis, quantum præclaræ de Tuis rebus opinionis, quantum lucis ab hac Romana Purpura necessario, accesserit.

Ubicunq; verò terrarum Christiani Imperij Te in Ordine Ecclesiæ Principum collocatum esse fama docuerit, præter hanc absolutam de Dignitate Tua opinionem, quam mox cuivis oboriri oportet, quilibet libenter singula nosse vellet, libenter interrogaret, quo genere, quo loco natus sis, qua ratione vitæ id præmij consecutus, quid egeris, quibus quasi gradibus ad hoc culmen pertigeris. Quoniam innata no-

Genus.

bis est hæc quædam diligentia, de magnis Viris rara quædam usis fortunâ, velle omnia scire. Ego sane crediderim multis quidem in locis, præcipuè verò in illo Orbis Theatro Romæ, cum à nostris, tum ab ipsismet Italis externisq; hominibus rerum multarum peritissimis, pleraq; de Te quæri; pleraq; jam hodie præclarissima narrari sciriq; Opinor inquam ab eo tempore quo Purpuratis Patribus accensus es & solenni proclamatus ritu, partim in plerisq; curiositate in excitatam fuisse discere ut velint, partim plerosq; iâ tantum quantum sufficiat didicisse & scire, partim alios libentissime audituros lecturosq; si quis hæc illis paucis ac sine fucode genere initijs progressu auge & fortuna rerum explicaret tuarū: Quā nimirū illustre Cardinalis LIPSCIJ Genus e Bohemia veteri Baronum Rasconum stirpe quæ ibidē hucusq; floret oriundū in Poloniam Venceslao Bohemiæ Poloniæq; Rege commigraverit, & ab eodem Rastorum Stemmata exornatum nobilissimis vetustissimisq; in hoc amplissimo Regno Familijs accesserit. Floruisse semper in hac Familia Viros fortes rebus gestis & honoribus Reipublicæ clarissimos; ut de illis gravissimus centenos jam ante annos de nobilitate Polona attestatur scriptor (*Okolscius*) *Familia hæc (inquiens) in tot florentissimas distincta Domos est. LIPSCIJ præsent militia, LIPSCIJ Senatores agunt, Reipublicæ commoda promouent.* Adeoq; stirpem hanc fecundam & veteribus pollentem opibus, in plures Regni Poloniæ Provincias propagatam atq; divisam; in majore Polonia in Russia in Belzenfi ditione plurimos ac illustres Equestri Ordini ac Senatui dedisse Viros. Parum enim verò interesse, longam nominum seriem texere & cui propriæ veræq; adsint, eum alienis ornare laudibus. Tai en cætera inter LIPSCIORUM decora nullatenus id silentio præteriri oportere, ex hac ipsa scilicet Gente, prodijisse ante annos ferè centum Virum illustrem & maximè commemorandum, ANDREAM illum LIPSKI Secretarium imprimis, tum Procancellarium, postea Cancellarium Regni, deinde Luceorensem, Vladislaviensem, ac tandem Cracoviensem EPISCOPUM, Sanctissimum Sapientissimumq; Præsulem & Clarissimum Senatorem. Qui, & si plures virtute & famâ commendabiles ex hoc Genere Viri non sine laude produci possent, tamen ideo maximè nomi-

nan-

qua-
erim
eatro
ho-
uari;
in-
us es
atein
ntum
ntissi-
fuo
caret
Bo-
cusq;
niæq;
mate
Timo
am
cla-
nnos
cius)
Do-
gunt,
c fæ-
i Po-
e Po-
stres
n ve-
p p-
ai en
entio
ante
nme-
a im-
egni,
Gra-
ntissi-
& si
Viri
omi-
n-

nandus venit, quod & præclaris illius exemplis, plurimum & singulari cuidam ejusdem beneficio, (quod posteris Domûs suæ reliquit) Cardinalis Princeps aliquid profectô debeat: quodq; Andreas velut absolutum ad quod Tantus Pronepos formaretur exemplar, honorandus, ac veluti fons quidam unde prima illa Principi profluxerint ornamenta, coronandus sit. Nam cætera inter egregia Andreae de Ecclesia & Patria merita, cum libris ejusdem de Iure doctissimis, tum virtutum rerumq; monumentis hucusq; testata, possumusne illud præterire silentiô, quod oppidum Chotecum in majore Polonia situm emptumq; cum Ecclesiæ adjecisset, atq; in eo magnificum Templum cum splendido Canonorum, Sacerdotum & Almæ Academiæ Cracoviensis Magistrorum Collegio à fundamentis excitasset, liberaliterq; dotasset, Sventoslaum LIPSKI dignum se nepotem Loci Præpositum constituerit, atq; hunc Ipsum Sacrum Magistratum & Honorem laudabili erga Familiam suam providentia & Amore, dignis suæ stirpis, sui Nominis, suarumq; virtutum Hæredibus, perpetuis temporibus esse proprium voluerit. Hoc illud enim vero est eximium suis de Posteris benè merendi Genus. Talis sui Nominis sui sanguinis Amor cum Ecclesiæ ac Reipublicæ bono conjunctus nihil Sanctitati disciplinæ, nihil optimo mori derogat, estq; laudabilis etiam in Sanctissimis Sacerdotibus. Hunc igitur primum Honoris conscendit gradum Adole-scens iam tum spei raræ Cardinalis, & domestico sui Proavi beneficio usus, magnæ, ad quâ crescebat, in Ecclesia Fortunæ fundamenta jecit. Quare ANDREAS LIPSKI Cancellarius Regni & Cracoviensis Præsul inter ejus clarissimos majores necessario & maximè cum de Cardinali res agitur commemorandus est, tum quod Virum hunc in Ecclesia & Republica celeberrimum quasi exemplar sibi semper ob oculos propositum haberet, atq; (quod singulare est) eundem munere Procancellarij Regni, eundem in Luceoriensis, eundem in Cracoviensis Pontificatûs dignitate, quasi vestigijs præcedentis insisteret, secutus sit; tum ex eo, quod primum beneficium Chotecense peramplum, Posteris Domûs LIPSCIANÆ in pignus ornamentum & opem donatum ab ANDREA acceperit: quo tanto commodo nihil opportunius ad dignam suo & genere & ingeniô

educationem obtinendam adolescenti tum desiderari. potuit. Eum itaq; vitam à Clarissimis in Republica & omni Honore ornatissimis Majoribus, sed honoris fortunæq; in Ecclesiastico Ordine felix initium, sed Virtutum Sacerdote & Præsule dignarum normam ab Ipsomet liquet accepisse ANDREA.

At vero cum ego hæc de Te, Princeps, quasi aliud agens narro, Teq; ex hac Illustri Familia ortum, hæc Tua tantorum in Ecclesia decorum ab ANDREA initia, & veluti primam quasi Sacræ fortunæ sementem, nec satis quidem cogitando, non tam ostendo, quam utcunq; innuo, nec Polonis quidem, nam hi & Genus Tuum & res ac laudes Tuas norunt optimè, sed extraneis loqui quidpiam de Te cæpisse mihi videor hominibus, rem ita cæptam esse animadverto, ut, nec falso fortasse, existimem, ab iisdem & hæc gratè audiri, & ut plura de Te dicantur cupidè expectare, ac fonte detecto, reliquum velut magni fluminis cursum, licet in quadam exigua tabella depictum, velle illos videre, velle sequi, velle observare. Tuæ enim res Princeps jam unius Patriæ limitibus claudi hodie non possunt: hæc est conditio Tuæ Purpuræ, ut scire quem illa ornet, multarū Nationum, multorū populorum intersit. Quare pergamus. Sic enim mihi videtur, interrogari me ab illis quibus loqui cæperim, Chotecensi Beneficio liberalitate Majorum suorum accepto, quid deinde? quid plura?

Bonarum Literarum Studia.

Absoluto videlicet in Posnaniensi celeberrimo *Societatis JESV* Gymnasio, bonarum literarum ac Oratoriæ fæcultatis, cæptoq; scientiarū curriculo, Romam, illud omnium Artium ac scientiarum domicilium ac sedem petijt. Collegium enim vero *Societatis JESV* Romanum, in quo fiores floribus in Orbe terrarū artes omnes scientiæq; eximie florent, quod nec Athenæo nec Licæo veteri cedat, unde summi Pontifices & innumeri Cardinales, Præsules, Principes, celeberrimi virtute & omni eruditione Viri, ceu totidem ornamenta Italiæ multorumq; Regnorum & Rerumpublicarum prodierunt, Collegium inquam illud testetur, imo vero hæc ipsa qua Cardinalem ornatum videmus, melius testetur doctrina, quantos ibidem in Philosophicis in Mathematicis & Theologicis disciplinis, quantos in Jurisprudentia, in utraq; historia conjuncta cum linguarum peritia, progressus fecerit

Jam

Jam inde peregrinatione per universam Italiam, Galliam, <sup>Peregrinatio
& ornamenta
animi.</sup> Belgium, Germaniam diligentissimè instituta, ostendit, multum naturæ viribus, plus excolendo, cujusvis valere ingenium: & nedum laudandum sed & imitandum esse hac in re veterum sapientum morem, qui vel medijs Athenis aut mediâ Româ nati, tamen iis quibus sua abundarent in Patria non contenti disciplinis, sed maxima divinas humanasq; res omnes discendi cupiditate incensi, etiam extra Patriam in remotissimis Regionibus virtutem & sapientiam quæsierint, quo præter domesticas externis quoq; comparatis opibus, tutandæ, ornandæ, augendæq; Reipublicæ magis esse possent idonei.

Horum Te Princeps æmulatum fuisse laudes ille facile intellexerit, qui consideret, quantis animi ingenijq; cumulatius ornamentis Patriæ Tuæ redux affulseris. Cui enim melius, quam Tibi cognita est Nationum indoles, & earum unitus cujusq; origo, fortuna, incrementa, vicissitudines, occasus; cui melius perspectæ quam Tibi sunt diversæ administrationum Rerumpublicarum rationes, Religiones, Dominationis & Potentiæ firmandæ arcana? quis Te penitus novit, quæ cuiq; Principi terra mariq; vires, quæ Artes dominandi; leges, qui socij, qui hostes, quæ fæderum fides, quæ commerciorum diligentia, quæ ærarij & copiarum ratio, quæ Magistratum & muniõrum discrimina, quis justitiæ populis reddendæ modus? quis te sine maxima animi voluptate auscultet, cum sive de Principum, sive de Regnorum & Rerumpublicarum, sive de illustrium in iisdem Virorũ Ministrorum rebus, virtutibus, vitijs, quæstio ac sermo solet, exoritur? Felix ille, infelix alter, hujus Nationis vires florentes sunt, afflictae alterius, hic quod proposuit affectus est, illius labor & conatus delusi, hic gratiâ Principis & populi ad extrema vitæ usus est, alter excidit, huic nihil nisi mediocre aut infimum insit, cuncta parent, ille summis rebus aptus sed neglectus delituit, cur id ita? quibus gradibus boni, quibus cuniculis pravi ad summa perveniunt, quibus principijs, quibus medijs vijs utriq; suos consequuntur fines, quid in rerum eventu sapientiæ, quid animo, quid fortunæ, quid errori, quid malis artibus, quid virtuti tribuendum in quoq; sit, Tu clarè, Tu sapientissimè decernere soles. Inde prompta ac certa Tibi etiam

in subitis arduisq; consilia rebus, nam quavis in re cum domestica tum externa facta, & causæ & modi rerum mox Tibi obversantur animo: nemini quam Tibi facilius ab exemplis & præjudicijs de re quavis decidere, in aliena imprudentia errores vitare, aliorum sana consilia in Tua vertere. Hæc adeo necessariarum & tam publice quam privatim utilium rerum notitia, omnibus comparata Tibi est adminiculis, natura imprimis & ingenio perspicaci, facili, solido, tum studio literarum, ac scientiarum diligentissimo, peregrinatione foris, rerum experientiâ domi, deniq; accurata & continua omnis historiæ, exactissimæ critices optimorumq; lectione librorum. Adeo enim volvendis & veterum & doctissimorum hac tempestate hominum monumentis constat vel à teneris te fuisse deditum, ut hoc pulcherrimum oblectamenti genus Tibi à consuetudine in naturam transisse, lectissimamq; ex ijs quæ hucusq; lecta Tibi & animo impressa sunt, bibliothecam posse conflare existimem.

*Reditus in
Latriam.*

Quid aliud quàm hanc, diuturnis rerum humanarum Divinarumq; studijs, externarum Gentium usu, assiduâ lucubratione & majore in dies experientiâ comparatam eruditionem, & doctrinam Tuam raræ Virtuti conjunctam, suspexit & adamavit in Te sapientissimus ille Pontifex STANISLAUS SZEMBEK Archiepiscopus Gnesnensis & Primas Regni, qui Te à peregrinatione reducem, cum omni virtutum resplendere laude, cum templa ac conciones populi sacrâ Tua inflammari eloquentiâ, cum Tua consuetudine, Tuis sermonibus & incredibili ingenij Tui copia faciri se non posse animadverteret, Te mox tanquam præcipuum arbitratus Archi-Diæceseos Decus, inclyto Canonico-
rum Gnesnensium Collegio adscribere, Te Capituli, Te suæ Ecclesiæ negotijs præficere, Tuis uti consilijs, Tuâ juvari operâ non dubitavit. In recenti fere omnium memoria est, quanta religiosissimus hic Princeps benevolentiam profecutus Te fuerit, quam Tu de Illo, ille de Te benemereri studuerit. Quodq; vivens ut optaverat ob temporis brevitatem non potuit, ultima certè voluntate sua quid de Te sentiret ostendit, cum Tuæ singularius fidei & executionem sui Testamenti mandavit, & in eodem res rationesq; Tuas, Regi, per Fratrem suum IOANNEM SZEMBEK clarissimum Illum paucisq;

paucisq; comparandum Regni Cancellarium moriens
quam maxime commendavit cum adeo illustri de di-
gnitate, ingenio, doctrina, & virtute Tua testimonio, ut id
tanti de Te Primatis elogium paulo post & ad sapientissimi
Regis & ad Reipublicæ notitiam, cum ingenti famæ &
gloriæ Tuæ incremento pervenerit. Indicia enim vero
omnia magnorum virorum, ea vero præsertim, quæ morti
jam proximi protulerunt, ut ab assentandi placendiq; stu-
dio & causis remota, ita omnino vera & maximi solent esse
momenti. Tum præsertim dubitandum non est, minime
suspectam esse alienæ commendationem virtutis, cum ille
qui commendat, & recte judicare potest, & nulla ad id pro-
priae utilitatis spe duci ac impelli videtur, & quem com-
mendat, illum prius non fama, sed suo ipsius novit diuq;
examinavit judicio.

Tale de Te Princeps, summi illius Sanctissimiq; Viri jam
humana omnia deferentis, constitutum in solida Tui co-
gnitione testimonium animiq; sententia, cunctorum de Te
consensu & opinione probata, aut potius virtus Tua, quid mi-
rum est, si tantam AUGUSTO II. perspicacissimo Principi,
si tantam Ministris Regni & Primoribus omnibus
ac Optimatibus Reipublicæ, si tantam Præsenti Celsissimo
Regni Primati de Te opinionem iniecit, quantam deinde
in Te certatim honoribus ornando, in mandandis Tibi præ-
clarissimis Reipublicæ muneribus luculenter declara-
runt. Honorifico itaq; Custodis Sanctæ Gnesnensis Eccle-
siæ munere decoratus cum primis fuisti. Sed Tuumne illi in-
genium, Tuamne virtutem, Tuamne sapientiam, his dunta-
xat limitibus circumscribi arctariq; paterentur? differrent di-
utius emolumenta amplissimosq; fructus, quos à Te Patria
certissimè præstolabatur? Intererat universæ Reipublicæ ut
tandem è Gnesnensi nido in apricum magnamq; Reipubli-
cæ lucem quantocius evolares. Quare supremus Tribuna-
lis Regni Præses factus, summoq; qui Justitiam universæ na-
tioni administret Magistratui admotus, summo loco & mu-
neri ita te mox exhibuisti parem, ut Regiā illam ordinumq;
Reipublicæ Authoritatem supremam, Tibi imprimis Præsi-
di Areopagi commissam, maxima cum dignitate & laude
gesseris. Ille qui probe intelligit, & hujus majestatem Ju-
dicii, utpote cui præstantissimū jus majestatis sine provoca-
tione cuncta decernendi cōpetit, & quo tandē censeatur in

*Tribunalis
Regni Præse-
dis.*

Republica loco supremus Justitiæ Sacro. ex Ordine Præses, facerq; Prætor (ut aliquam à summa illa apud Populum Romanum Prætura mutuemus imaginem) ille sane qvi hæc probè intelligit, facile animadvertet, quantam existimationem de Te, Princeps, illos habere oportuit, qui cum Te primum, ad administrandam Rempublicam admoverent, tantum Authoritatis & honoris mox Tibi tribuere non dubitarint. Quam plene in hoc loco principe permagnæ de Te omnium opinioni responderis, aut eandem etiam superaveris, quam accuratè omnes tanti magistratus partes expleveris, qua religione, æquitate, innocentia, sapientia, prudentia, fortitudine animi, cæterisq; præclaris artibus cuivis Judici necessarijs Toti Reipublicæ Te commendaveris, pluribus id me commemorare non oportet, quàm quod mox à suprema Tribunalis Regni administratione, ad Senatum, ad Ministeria Regni vocatus, honorificentissimo Procancellarij Regni munere insignitus, Regem, Rempublicam, Senatum, Ministros Regni Collegas, Equestrem Ordinem, universamq; Patriam singulari lætitiâ cumulaveris. Aquila ergo (vetustissima Regum Regniq; imago & stemma) in LIPSCIANAM domū cum Sigillis Poloniae si ita dicere liceat, remeavit centenis fere annis, postquam inde è manibus ANDREÆ LIPSKI supremi Cancellarij Regni avolaverat.

Ascendisti itaq; honoris gradum, quo nullus, ut illius in semet conditio præclara est, in Republica spectabilior, aut merendo aptior, aut Principis favoribus propior, sed eodem quoq; tempore quo nullus omnino laboriosior; præsertim ut Tibi quidem contigit, quod Totum Publici hujus Ministerij onus Tuis solius incubuisset humeris, aut fracto iam tum maximis pro Republica exantlatis laboribus, aut deinceps ad immortalitatem translato supremo Regni Cancellario, cuius omnes partes Procancellarius, laudabiliter, & maximo cum Principis, qui Te sapienter delegit, tum Tuo, qui delectus eras, honore, exercuisti. Sanè qui hac de re ex æquo judicare velit, fateatur oportet, multo quidem difficilius esse Ministrum Regni in Polonia quam alibi maxima commendatione agere. Quemadmodum enim alibi, Regibus satis est voluisse, ita & eorum Ministris satis est bene consuluisse. Consilia autem ibi oportet sint efficacia, ubi illis mox efficiendis adest suprema Potestas Principis. Quodq;

commo-

Minister Regni Procancellarius.

Ministerij Publici difficultas.

commodissimum est, ubi, uni tantum consulitur. Unius
quippe animo, ingenio, indoli, accomodanda est omnis con-
sulendi agendiq; ratio, cæteri probent aut improbent per-
inde est. Parta vero fiducia & opinione Principis, tum se-
cura Ministri Autoritas, tum secundus Consiliorum succes-
sus, & secundis omnia procedunt ventis, tum certæ aut ac-
clamations populi, aut vero patientia & reverentia Impe-
rij. Quare, qui in Gallia aut Hispania Ximenios, Porto-
carreros, Richelios, Julios, cæterosq; satis demirari non po-
test, eo maxime felices illos fuisse cogitet, quod quivis illo-
rum uni obnoxius, uni duntaxat Principi studuerit, unius
judicio & voluntate Principis munitus, quæ recta, quæ uti-
lia, quæ tuta, quæ gloriosa sensisset, mox etiam mandave-
rit operi. Secus hæc in populari statu, ubi Campus atq; un-
dæ illæ Comitiorum, ut mare profundum & immensū sic ef-
fervescunt, ut in quodā quasi æstu ad quod littus navim Rei-
publicæ dirigas, aut quem ventum sequare, nescias. Non
eadem ibi boni fortuna consilij; incredibilis deniq; ars &
labor ingenij, bene merendo, nec Majestati nec libertati su-
spectum reddi. Magna quidem vitæ Tuæ pars, Princeps,
huic tam arduæ Provinciæ studijsq; insumpta est, duodenis
enim fere annis & temporibus quidem Reipublicæ difficil-
limis hanc ministerij publici indolem fortunamque exper-
tus es.

Sed quæ eo tempore egeris illustrius Tibi testimonium
ad posteros acta dabunt Reipublicæ, quam nostra Oratio.
Tū enim opportunè fortasse aliquid de Tuis rebus gestis, de
laudibus ministerij Tui proferremus, si ut tibi perspecta
sunt, ita nobis perspecta essent ea omnia, quæ tum gloriosè
gessisti. Sed intelligimus bene, quod quæcunq; de Te Mi-
nistro Regni diceremus palàm, illa essent, quæ nullatenus
comparari possent ijs, quæ dici deberent. In Ministrorum
autem laudibus id minimum censendum est, quod ijs laudis
tribuitur ex manifesto. Occurrunt quidem omnium ocu-
lis labores Tui Princeps, quos Procancellarius pertulisti in
duodenis Comitijs Regni, partim auspicato, partim inau-
spicato celebratis, quæ si cui, certe illi, qui Os & Interpres
Principis & Reipublicæ Majoribus nostris nominatus est,
gravissima & laboriosissima sint oportet, & quoddam, ut
postrates dicere amant, *Martyris* pro Republica genus.

Labores.

Occurrunt cuius pares Tui labores in totidem fere aut pluribus Senatûs Consultis: in quibus omnibus Ordinum Regni conventibus eloquentia illa, qua non dignius Majestas meminit sese Romana locutam, Rempublicam ornasti, Consilijs illustrasti, responsis à Throno exhilarasti. Nomine Reipublicæ Senatorem bene consulentem, Nomine Principis Ministrum bene respondentem, ita feliciter conjunxisti, ut ad utrumq; natus esse videreris, incredibili utrumq; labore, sed pari gloria. Certe id cuius, dum non sit Peregrinus in Patria, satis constat, in ejusmodi solitis Reipublicæ totius congressibus, nulli majorem rerum molem cum privatim tum publice pertractandarum quam Regni Cancellarijs, tam a Principe, quam ab Ordinibus incumbere, cui ferendæ Tuos pares humeros, par ingenium semper vidimus. Facile quoq; in memoriam redeunt sudores Tui in negotijs gravissimis, quæ Rempublicam inter, exterosq; Principes continuo intercedunt pertractatis, in legationibus aut suscipiendis aut mandandis, in actis Reipublicæ posterorum memoriæ tradendis. Quid dicamus de continua Judiciorum nomine aut Authoritate Principis à Cancellarijs quovis tempore peragi solitorum diligentia, deq; singulari Tua in ijs administrandis sapientia & Justitia? quid de assiduitate circa Principem, quæ præstantissima Ministerij virtus est, qua semper tam intra Regni limites, quam extra eosdem, Principem magnis itineribus secutus, cum eoq; pro partibus muneris Tui in Saxonia non semel dimoratus, singulari quidem totius Patriæ sed & Tuo honore, unus sæpe Regi Rempublicam commemorare & repræsentare, unus Patriarum legum integritati invigilare & consulere debuisti. Quis ille præterea labor, cum maxima quidem dignitate sed & cum invidia conjunctus, Tuo autem tum muneri proprius, necessitates, causas, negotia resq; cunctorum Principi referre, dignos ad quosvis in Ecclesia & Republica, honores, ad Senatûm, ad Magistratus, munia, Præfecturas, præmia, commendare; innumeris Privilegijs, muneribusq; Regijs fidem publicam adstruere: quæ omnia quanta obieris gesserisq; fide, & Religione quam exacta & assidua diligentia, publica Magistratus Tui testatur hucusq; approbatio. Dici itaq; potest, Princeps, alijs, cum Reipublicæ dant operam indulgentius aliquid prospectum esse, quod suo interdum tempore

plu-
Re-
estas
nasti,
mine
Prin-
anxi-
la-
egri-
blica
priva-
cella-
ui fe-
imus.
gotijs
cipes
it su-
orum
licio-
quo-
Tua
luita-
s est,
Prin-
rtibus
ri qui-
Rem-
arum
Quis
sed &
prius,
refer-
es, ad
com-
fidem
ferisq;
publi-
ci itaq;
m in-
n tem-
pore

ore. otioq; ut libet frui possint, Cancellarij laboriosissimam esse totius vitæ rationem, eum suorum commodorum quietisq; oblivisci, nec sibi sed alijs semper vivere oportere: Multis multa incumbere, Cancellario omnia, nihil agi in Republica cujus in partes suo munere non vocetur. Quid enim (dicamus de maximi momenti rebus) Te Ministro annis illis fere duodecem actum est, ut qui de ijs rebus historiam fortasse conderet, non Tui ubivis locorum cum honore commemorinisset? Ille Torunensis causæ perhonorificus Religioni exitus; illæ annorum aliquot graves agitationes circa militaris Imperii Jura assertaq; summo Duci exercitus indivisa auctoritas; illa Curlandiæ ac Semigalliæ vindictio & jura Reipublicæ defensa; illa Tribunalis Regni restauratio, Res cum Romana curia actæ; de Imperatorijs fascibus difficultates permagnæ, causæ Neoburgicæ Judicia, fædera cum vicinis renovata, Interregni, Electionis, sequentiunq; temporum vicissitudines, restituta Reipublicæ tranquillitas, cuicunq; hæc & id genus memorabuntur, necessario Tuam ubivis ministri virtutem, sapientiam, consilia, fortitiam, miram vim agendi goriq; misceri & elucere animadvertet. Magna ergo hæc sunt notaq; omnibus, quæ de Te prædicari possunt, sed quotus ad ea pertingat quæ secreta sint ab oculis vulgi? qua probitate & integritate ex honesto & æquo omnia egeris, quam cuncta Politices principia ejusq; communes & occultiores regulas & plane intimeq; cognoveris, & ijs ad rationis religionis justitiæq; libellam examinatis recte usus fueris, quibus alij ideo plerūq; flagitiose abutuntur, non quod Principia legesq; Politices pravæ sint, sed quod pravi homines ijsdem utantur. Quarta arte Principis animum tractaveris, qua invidiam superâveris, qua prudentia, consilia certa a dubijs, apparentia, & inania à tutis discreveris, qua perspicacitate ingenij remota provideris, qua industria ita bene mereri de Principe, ut Reipublicæ, ita prodesse Reipublicæ, ut Principi gratus esses, studueris; quo studio majestatis libertatisq; rationes componere, illud pro ministri hoc Pro Senatoris munere laboraveris; hæc enim vero non oratione celebrare, sed ut in semet sunt relinquere arcana præstiterit. Itaq; cum singulari apud Rempublicam existimatione floreres, non minori apud Principem Te gratia excelluisse cum multis, tum præsertim ea præcipua Regiæ erga Te benevolentia

*Equus Albæ
Aquilæ.*

tiae significatione constitit, quod Te paulo post collatos ministerij fasces in præstantissimum, electissimumq; illum Equitum Albæ Aquilæ Ordinem Augustus secundus cooptaverit, hisq; præclaris insignibus Tibi ante Senatoriam Pontificiâq; Purpuram oblatis, Tuâ distinguere a cæteris dignitatem voluerit.

Semper fane id Tibi Princeps amplissimum erit ad posteros, quod primus in universa Republica ex Ordine Ecclesiastico hoc tam excellenti ornamento & munere à Principe ornatus sis, quod decus hoc eximium in Ecclesiasticum Ordinem Primus omnino invexeris.

*Lucoerensis
Episcopus.*

Nec vero sua ornamenta & præmia, quæ Tibi ampliora parabat, Ecclesia quoq; diutius est morari passa, cum Sanctissimus Christianæ Reipublicæ Arbiter Pontificis Lucoerensis Episcopatus Tibi designavit fasces. Cui Sacræ Provinciæ fere sexennio Præfectus, boni Pastoris sollicitudine, sanctioris disciplinæ laude, magno Religionis & Pietatis firmandæ studio, vigili Sacerdotalis sanctimoniam & doctrinam in hominibus Deo dicatis cura, cæterisq; Præsule dignis virtutibus, tantum effecisti, ut ad amplissimam Cracoviensis Diœceseos Cathedram suffragio Principis, applausu populi judicio & voluntate Christi in terris Vicarij, evehereris; id tandem eveniret, quod clarissimus, & judicio omnium, sapientia omniq; laude summus Antistes, qui hanc ipsam morante Te ornat curulim, Princeps ille Szaniavius, Tui amicissimus, quodammodo vaticinari Tibi fuit solitus. Sed dignitas & virtus Tua fecit, ut Sapientissimo illi homini difficile non fuerit fata Tua dignoscere, & quid de Te futurum esset divinare.

Interregnum.

Hic jam ille AUGUSTUS Secundus nunquam nobis fin optimi Principis nomine & opinione commemorandus tum cum maxime Reipublicæ vivere debuit, terris ereptus absolutam vera & maxima cum laude vitam immortalitate permutavit. Tempus tum in Republica, quale solet, consecutum est; quo cū cuncti cives æque bene Patriæ voverent diversis quidem, ut in libero populo, opinionibus & studiis, quasi diversis vijs & itineribus, sed eandem omnino mentem, eundem terminum utriq; petierunt, salutem nempe publicam & bonum Patriæ. His & illis, sua sententia; sua in eum finem agendi ratio probabilis aliquandiu videbatur.

sed

sed illa demum felicior meliorq; , quæ ab ipsis probata est
Dijs, & in quam utriq; tandem, uti certissimam, & maxi-
me salutarẽ, libentissime convenerunt, cum humanis erro-
ribus, in quos mortales ignorantia fatorum impingunt, sa-
pientissime finem DEUS imposuit. Utinam vero Princeps
eadem mens fuisset cunetis, quam felicius vel ipso principio
Tu Divino quodam afflatam lumine persensisti. Tu enim
in delectu salubrioris, eam mox sententiam rationemquẽ
amplexus es, ut tuta potius quam speciosa, certa quam incer-
ta malueris. Tu cum viro illo sapientissimo Tecumq; ita
statuisti: *propius majusq; esse à potente Vicino periculum,*
quam à remoto quamvis æque potente amico præsidium.
Itaq; cum probe nosse quam parum profit, magno ingenio
bonum invenire consilium, nisi idem pari suscipiatur animo,
& bene consulta fortiter asserenda esse, summa constantia,
infracta patientia, incredibili robore animi, consilium quod
aggressus es, tueri eousq; non desisti, donec idem, ut semper
credideras, toti Reipublicæ salutare eveniret. Non fuit re-
cusandum, quin in tanta difficultate temporum Reipublicæ,
multa fortissime pro ea Causa quam Patriæ utilissimam sen-
sisti, pertuleris; sed crediderim quod Honor qui Tibi divini-
tus destinatus fuit, quemq; deinde consecutus es, quod Po-
tentissimum AUGUSTUM Tertium, religiosissimum, ju-
stum, pium, fortem, optimumq; Regem, itemq; parium vir-
tutum Principem, atq; eam talem, qualis libero populo o-
ptari potuit, Reginam, cælestibus auspicijs, Tuis manibus
coronaveris; Honor hic inquam crediderim omnem eorum
quæ fortasse perferenda erant, omnemq; gravissimorum la-
borum Tibi ademit sensũ. Fruere jam hoc bono tuo, am-
plissimoq; contentionum tuarum fructu! fruere nobiscum
PRINCIPE, quem DEUS, quem Regiæ virtutes omnes, quem
Religio, quem fortuna Reipublicæ, Regem esse voluerunt,
quem Libertas ipsa, quo propius inspicit meliusq; agnoscit, si-
bi natum liberæq; nationis regendæ artes omnes affecutum,
sibi divinitus oblatum, læta animisq; gestiens gratulatur.

*Studia Paci-
ficanda Rei-
publ.*

Multa fuerunt hoc rerum intervallo, Princeps, quæ præ-
ter sanctam, mitem & imperandi legibus à natura imbu-
tam Regis nostri indolem, sapientiæ quoq; consiliorum,
cum à Te, tum ab alijs profectorum, in acceptis referre oportet.
Modum in fortuna secundoq; rerum successu diffi-

lem raro exemplo servastis: alienissima ab omni vindicta moderatione malorum accelerastis finem, procul ostentatione & insolentia felicibus adeo propria, sapienter beneficio usi estis divino. Inde patuit, non gloriam ex Civibus, sed utilitatem Civium vos semper quæsisse. Tua hæc, Princeps, & suscepto per Te in Nomen Regium, à Dantiscanis fidelitatis Sacramento, & in omnibus Senatûs Consultis, & semper, fuit sententia, Tua vox: & rationes conditionemq; temporis observandam esse, & omnes æquali natos, æquali gaudere jure, & libertatis rationem omnem haberi oportere. Qua sapientia Tua, Tuis præterea in sedanda illa flamma & procella laboribus, Tuis curis, consilijs, studijs, conatibus, quantum juveris ad pacem Patriæ restituendam, ad componendos fluctus, spectavit ipsa, & quamdiu his agitata tempestatibus fuit, & in ipsis Comitij exoptatæ *Pacificationis* Respublica. Ea; gratum universorum animum & estimationem de Te significatione, singulariter Tibi testari voluit, quod Te Præsidentem primumq; Senatorem, ad faciendas & autoritate publica muniendas eorundem Comitiorum leges, adeo Majestati juxta Libertatiq; gloriosas, perenni Tui Nominis gloria destinavit.

*Deputatus ad
Constitutiones.*

*Præsident
Tribunalis
Regni
Radomiz.*

Pace itaq; Patriæ reddita, qua omnium animi ita coaluerunt, ut si omnes, nihil aliud quam id quod evenit, voluisse viderentur; cunctorum studia ad Rempublicam incredibili unanimitate conversa sunt. Eam in Republica juvanda conjunctione arctissimâ, & indissolutis colligatam vinculis, ipsemet Princeps non longe post Comitia expertus es, quando cum Adamo Tarso Palatino Lublinensi Supremo Præfecto Supremi Radomiæ Tribunalis, Tu sacros Præsidis ejusdem Tribunalis gessisti fasces, ubi crediderim, sæpe Tibi tacite eam animo obortam voluptatem fuisse, hodieq; sæpe oboriri, Te nimirum ad tranquillitatem Imperij, ad concordiam Civium revocandam, ad conciliandos animos & sensus de Republica, utiliter feliciterq; laborasse.

*Acta post Co-
mitia.*

Jam quemadmodum eæ res, quibus causas motus continui natura indidit, stare loco nequeunt, sed Cælestes orbes suos, sydera suos, flumina, & maria suos cursus assiduo peragunt, ita magnis viris vis quædã est indita, quæ eos conquiescere non sinat, sed ad continuum de Patria bene merendi studium urgeat incitetq;.

ritas

ritas liquet in Te, Princeps, si geminos hos à Comitij & reddito in iisdem, Reipublicæ otio, inspiciamus annos, quibus plurimi quasi iustitio indicto à Republica vacationem obtinuerant. Quid Tibi ex ijs supererit, si tantum inde demamus tēporis, quantū Præsul, quantū Senator, quantū supremus Judicij ab Ordinibus constituti Præfectus, cōmodis Reipublicæ consecraris. A Pontificijs, quæ Te secundum Comitia occuparunt curis, perrexisti ad Tribunal Regni Radomiam è sacro Senatu Præses, inde profectus es Lissam, ubi iterum Præses amplissimi illius à Republica ad tempus designati judicij, causas, quæ alias magnis difficultatibus agitasent Rempublicam, definires: Lissa Fraustadium ad Senatus Consultum, paulo post Dresnam ad referendum de Republica Principi, hinc Cracoviam ad boni Pastoris munia, atq; Præses ex sacro Senatu ad deponendum Regni Thesaurum: in sequentem annum eundem remensus cursum, Radomiæ, Lissæ, Fraustadij, Cracoviæ, quanto illo virium, fortunæ, salutisq; propriæ impendio rebus Ecclesiæ Patriæq; summam navasti operam? quasi id ostendere velles, quod in benemerendo de Republica defatigari non possis.

In ipso vero pulcherrimo rerum tantarum cursu, illustris Cardinalis fa-
ctus. ille, qui fortasse Tibi unquam in vita affulserit, illuxit dies, quo universis lætissimum ab Urbe Nuntium, relatum Te esse inter *Principes populi DEI*, & prima sacri Honoris insignia, Cracoviæ, in illa vetustissima Regum: Tuiq; Pontificatus sede, accepisti. Ibi præsentium tum numerosissima Procerum corona, ibi frequentissimus quasi signo dato, amplissimi *Capituli* Tui, Sacerdotum, Academiarum, & Religiosorum Ordinum, Magistratus & populi, fausta & prospera omnia Tuæ Purpuræ precantium, concursus, & acclamationes, satis docuerunt, quo sensu universa Respublica novum hoc Tuæ Purpuræ sidus deinceps esset exceptura. Secutæ paulo post undequaque illustrium Patriæ Civium, Senatorum, Antistitum, Ipsius vero maximè optimi gratulationes Regis, ut qui præclara sua de Te judicia, ita magnifice à supremo Religionis Capite approbari, majorem in modum gavisus sit. Et quandoquidem non unius jam Patriæ, sed totius Christianæ Reipublicæ bono id evenit, exceperunt domesticos applausus, honorificentissimæ ab ipso summo Ecclesiæ Moderatore, ab Imperatore Christiano,

E

ad a-

ab alijs Othodoxæ Europæ Regibus & Principibus, præcipue vero à Purpuratis sacri Senatus Collegis pro more literæ, quibus omnes tantum in dignitate Tua Christiani Imperij rationibus accessisse decus & columnen, certatim gratularentur.

Atq; hoc illud est tandem Eminentissime PRINCEPS (ut ad id quod principio dicendi proposuimus, & quo hucusq; nostra tendebat Oratio revertamur) hoc inquam est, Princeps, quod toti orationis Nostre Argumento summam evidentiam, claritatem, maximamq; vim & robur adijcis, ab hac nimirum, quod diximus, Tua Purpura, eximijs Tuis in Patria & Ecclesia rebus gestis, virtuti, Sapientiæ & meritis Tuis copiosissimam lucem splendoremq; affundi. Ea enim, quæ de genere, educatione, peregrinatione, doctrina, initijs & primis gradibus Sacræ Tuæ fortunæ, quæ de sacris Magistratibus, de omnibus Ministri partibus à Te laudabiliter adimpletis, de Senatorijs & Pontificijs Tuis fascibus, quæ de singulari Coronati à Te Regis Reginaq; honore, de tranquillitate Reipublicæ Tuis magna parte curis & studijs restaurata, quæ de omnibus Reipublicæ curulibus & subsellijs virtute & sapientia Tua exornatis, hactenus innuimus potius, quam tractavimus, ea sane omnia melius hodie elucescent, illustrius vibrant, apparent spectanturq; clarius penes maximum Romani hujus lumen Muricis. Vel ut magis dilucide sensa nostri proferamus animi, ex quo inter Purpuratos Ecclesiæ Proceres cooptatus es, Nomen Tuum longe lateq; diffunditur, res Tuæ avidius à cunctis etiam remotissimis explorantur, leguntur, audiuntur, laudabilis hic vitæ Tuæ cursus latius per Christianam Rempublicam innotescit, proximas diffitasq; Gentes fama rerum pervagatur Tuarum.

Accedit id vero potissimum ad magis magisq; illustrandam dignitatem Tuam, quod nedum merita Tua præterita, si dici præterita possunt, sed & præsentis Tui pro Republica labores, & res quas etiam nunc pro solenni Tuo in Principis, Patriæq; commodum geris, magnificentius jam splendidiusq; in Te Cardinali elucescant. Constat enim, honorem, in Te nihil omnino antiqui moris, nihil studij voluntatisq; in bene merendo de Republica & Civibus, immutasse, nisi quod majorem rebus Tuis amplitudinem adje-

cent

cerit, majorem Tui venerationem imperaverit. Continuatæ siquidem in sacra jam Purpura Supremi Radomien-
sis Tribunalis, & Liffensis, Sacræ Præfecturæ, documento
sunt, quod statueris, perinde ut prius prodesse Patriæ,
& velificari favori Civium. Tantum itaq; abest, ut Car-
dinalis dignitas Te præpediat ne mereri velis, potius ut Te
magnopere juvet, ut illustrius de Republica merearis. Ti-
tulis quidem Superior, æqualitatem cum Civibus vel ex eo
Te profiteri liquet, quod iisdem ut prius cum cæteris pro
bono publico hodie dum laboribus & muneribus vaces.
Honores scilicet Reipublicæ æque Tibi cari sunt Cardinali,
ut fuerunt Polono Equiti, Polono Senatori. Præterea hu-
manitas Tua, atq; illa, qua in Principibus nihil esse solet
aut gratius, aut venerabilius, erga cunctos affabilitas, tan-
ta inest Tibi, ut in hoc eminenti loco, quamvis semper fu-
eris, nunc etiam humanior & popularior esse omnibus vi-
deare. Nosti siquidem rara quadam arcanaq; ratione, Ma-
jestatem honoris cum juris æqualitate conjungere, magni-
ficentia, liberalitate, & splendore insigni, modestia pari,
authoritate, quam dignitas, facilitate, quam natura infudit,
ubiq; spectatus. Semper hæc in Te Princeps observata,
nunc etiam multo magis, & oblectant & placent. Atq;
jam inde quivis facile intelligit, rectene id ita initio dicen-
di statuimus, ad illustrandas nempe res Tuas, Tuam famam,
Tua recte facta, virtutes Tuas, magnam vim Sacræ Tuæ in-
esse Purpuræ.

Sed nec mediocrem ab ea lucem in Rempublicam quo-
que derivari. Quod quanto verius atq; evidentius ex semet-
est, tanto minore nobis est opus industria, ut quantum hoc
honoris Tui splendore universam illustraris Rempublicam,
ostendamus. Omnibus fane gentibus Christianis, juxta Re-
gium, sanctum & venerabile est Cardinalium Ecclesiæ Ro-
manæ nomen. De dignitate hac, cunctæ nationes, &
consentiunt eam esse maximam, & eandem cunctæ exo-
ptant ac ambiunt, & cunctæ illam sibi, quamvis uni conti-
gerit, gratulantur. Ornamentum ergo omnibus Nationibus
& populis tantopere quæsitum, Tuæ Princeps, in Te acces-
sit Patriæ. Illius enim clarus Civis est, qui Ecclesiæ ad-
numeratus Principibus, ea authoritate pollet, qua Religio-
nem, Sacrorumq; nostrorum Sanctitatem & ceremonias tue-
atur,

atur, qua totam rem Christianam consilio & virtute fūciat, qua summum Christianæ Reipublicæ Principem & Pontificem rarissima suffragandi prærogativa eligat, aut ipse quoq; possit eligi, qua sacer Senator, ad illum Senatū suo jure pertineat, in illo Curulim Senatu occupet, quo nullus in Orbe augustior visus, cui mire conveniat illud Legatū Græciæ de Romano veteri Senatu judicium, se totidem Romæ Reges quod Senatores spectasse. Quæ jam inde Principis nostri dignitas? quæ nostri Senatûs? quæ Ministrorum gravissimi Consilij, quæ Præsulum? quæ Equestris Ordinis? quorum cuilibet singularis & propria adest de hoc Tuo honore cum lætandi tum vero etiam gloriandi causa. Quæ inde præterea & antiquissimi LIPSCIORUM Nominis ac Gentis claritudo? quæ summum, suum, sibiq; maxime proprium, in hoc tanto Principe adepta est decus; quanquam illi quidem à plurimis in Republica per tot sæcula Optimatibus satis famæ honorisq; accesserit, quemadmodum & hac tempestate accedit, à sapiente, de Majestate & Republica bene merito, virtutis, laudis & existimationis plenissimo Senatore IOSEPHO LIPSKI, Castellano Belzensi; à Procopio Præfecto Sremensi, Vexillif: Posnan: quæ maiorum vestigijs insistentem majora in Republica manent præmia; & ab alijs, qui sui dignitatem Generis pari exornant gloria. Quis ille adhuc splendor inde oritur tot præstantissimis nobilissimisq; in Republica Familijs? quibus affinitas & necessitudo sanguinis cōmunia & domestica cum LIPSCIORUM stirpe hæc fecisse videtur decora. Quanquam, si verum fateri oportet, nunquam ego hæc decora ita esse domestica aut uni Genti propria existimē, ut non ad Patriam potius, præcipuo pertineant jure. Quis itaq; inde potius toti Patriæ veræ cujusdam voluptatis sensus exoritur? talem genuisse, per quem illa honore & gloria floreat, cujus exemplo posteros ad laudem incitet, cujus virtuti præmia, quamvis domi maxima, non satis respondere videntur, nisi ad illa universalis quoq; & summus meritorū Arbiter Romanus Pontifex aliquid de Suo contribuat. Quæ inde deniq; Reipublicæ amplitudo? hunc, qui inter Christianæ Reipublicæ Principes tam illustrem tenet locum, æquo cum cæteris jure vivere, hunc versari in Patrijs Magistratibus, & munijs, hunc obtentu honoris, quo præstat, à communi pro Republica labore & æqua meren-

mèrendi conditione non subtrahi, hunc non minorem ab æquali Nobilitatis Patriæ nascendiq; fortuna, quam ab externis ornamentis gloriam quærere, hunc deniq; Sacris splendoribus Patrias fellas curulesq; ornare, & ab iisdem vicissim ornari.

Gratiæ ergo sint, quam possunt esse maximæ, Regi nostro, sapientissimo Optimoque Principi, quod amplissimæ hujus Dignitatis gradum, Reipublicæ adeo honorificum, restituerit, & sydus Purpuræ hujus, cujus lucem iam inde à JOANNE III. Rege maximo, exoriri non vidimus, Patrio reddiderit cælo. Juste id quidem & provide. Fructum enim pulcherrimi Juris (quod cum diademate omnibus Coronæ gemmis præstantius accepit) ad Rempublicā pertinere putavit. Quod quidē certissimum est Boni Principis argumentum, suos potius ornare quam externos, cives quam alienos beneficijs propiores credere. Præterea sint magna omnia, sint splendida, ut revera magna, & splendida sunt, optimi Regis nostri publice privatimque opera, illud enim vero præclarissimum in ijs est, in tanta fortuna, memoria amicitiae, grata officiorum & obsequij recordatio, rara quidem illa, sed vere regia virtus, divinæque simillima.

Fruere ergo jam Eminentissime Princeps, longa, quantum mortalibus a Deo Opt. Max. fas est precari, ætate, hoc Regis, quo gratiam tuis refert meritis, hoc tanto summi Pontificis, quo Rempublicam perinde ac tuam dignitatem exornat, illustri beneficio. Cumque de Christianæ Reip: & Patriæ rationibus cogitas, dignum id quoque Te, dignum tua sapientia esse crede, & Privatorum rebus, & huic, quæ defensionis, Patrocinio, Fideiquæ tuæ se totam cominitit, Scholarum Piarum Congregationi, opem & præsidium ferre.



THE UNIVERSITY OF CHICAGO
LIBRARY

Biblioteka Jagiellońska



stdr0024849

